

**Deontais iníochta faoi na *Rialacháin maidir le Leasúchán Luaidhe Baile*
(*Cúnamh Airgeadais*) 2016 (I.R. Uimh 56 de 2016)**

- ❖ Léigh na nótaí eolais seo a leanas le do thoil sula gcomhlánaíonn tú an fhoirm iarratais.
- ❖ Ní mór gach ceist ar an bhfoirm a fhreagairt agus, i gcás ina sonraítear é, ní mór doiciméid a sholáthar chomh maith. Ní phróiseálfar foirmeacha neamhiomlána nó foirmeacha nach bhfuil na doiciméid chuí ag gabháil leo.
- ❖ Más custaiméir de chuid Uisce Éireann tú, cinntigh le do thoil go bhfuil curtha isteach agat ar an “Scéim Roghnach do Chustaiméirí um Athchur Píobáin Luaidhe” leo sar a thosnaíonn do phluiméir ar phíobáin agus ar fheistis luaidhe i do theach a athchur.

Eolas maidir leis an Scéim

1. Cuspóir an Deontais

Tá an scéim ar fáil chun cabhair a thabhairt d'úinéirí áitribh atá ceangailte le soláthar uisce tí leis na costais a bhaineann le píopaí luaidhe nó feistis ghaolmhara laistigh den chóras dáilte inmheánach a athsholáthar, mar atá sainmhínithe san Acht um Sheirbhísí Uisce 2007. Ní mór go mbeadh an t-áitreabh áitithe ag an iarratasóir mar a phríomháit nó a príomháit chónaithe phríobháideach.

Nóta: Foráiltear le hAlt 2 den Acht ó 2007 go gciallaíonn "córas dáileacháin inmheánach" an chuid sin de chóras dáileacháin, laistigh de chúirtealáiste áitribh, a úsáidtear chun uisce a sholáthar lena úsáid ag an duine nó i dtáirgeadh bia agus deochanna.

Sula ndéanann sé/sí iarratas ar dheontas ní mór don úinéir tí:

a) fógra ó sholáthraí uisce a bheith aige/aici a chuireann in iúl gur dóigh go bhfuil pluiméireacht luaidhe (píopaí agus feistis) laistigh de chúirtealáiste an áitribh nó

b) deimhniú a bheith aige/aici a eisíodh laistigh de na sé mhí díreach roimh dháta an iarratais ó shaotharlann atá creidiúnaithe maidir le bheith ag tástáil le haghaidh luaidhe in uisce óil, a léiríonn luach paraiméadrach luaidhe i soláthar uisce an áitribh a sháraíonn an teorainn reachtúil, atá 10µg/l (10 micreagram in aghaidh an lítir). Ní mór go mbeadh creidiúnú ó Bhord Náisiúnta na hÉireann um Chreidiúnú (INAB) ag an saotharlann eisithe.

2. Leibhéal an Deontais

Déantar leibhéal an chúinimh deontais atá ar fáil a chinneadh ar bhonn ollioncaim teaghlaigh agus is 80% nó 50% de chostas ceadaithe na n-oibreacha a bhíonn i gceist. Leagtar amach sa tábla thíos leibhéal an deontais atá ar fáil bunaithe ar ioncam na bliana cánach roimhe sin.

Ioncam Teaghlaigh	% den chostas ceadaithe atá ar fáil	Deontas Uasta ar fáil
Suas go dtí €50,000	80%	€4,000
€50,001 - €75,000	50%	€2,500
Níos mó ná €75,000	Níl aon deontas iníoctha	Níl aon deontas iníoctha

3. **Ioncam Teaghlaigh**

Déantar ioncam teaghlaigh a ríomh mar ollioncam inchánach úinéir na maoinne sa bhliain chánach roimhe sin, mar aon le hioncam a c(h)éile nó a p(h)áirtí.

4. **Fianaise ar Ioncam Teaghlaigh**

Ní mór go mbeadh an fianaise seo a leanas ar ioncam an iarratasóra agus ar ioncam a c(h)éile nó a p(h)áirtí sa bhliain chánach roimhe sin a bheith ag gabháil le gach iarratas:

- I gcás iarratasóirí atá faoi réir **ÍMAT**: Ráiteas Comhardaithe ÍMAT nó a choibhéis,
- I gcás **daoine atá féinfhostaithe**: Fógra maidir le Measúnú Cánach Ioncaim nó a choibhéis,

Nóta: Na Coimisinéirí Ioncaim a eisiúint Ráitis Chomhardaithe ÍMAT agus Fógraí maidir le Measúnú Cánach Ioncaim. Áirítear ar choibhéis ráitis nó litreacha sínithe arna n-eisiúint ag na Coimisinéirí Ioncaim a léiríonn an t-ioncam inchánach don bhliain chánach roimh an mbliain ina ndearnadh na hoibreacha.

- I gcás **faighteoirí leasa shóisialaigh**: Ráiteas ioncaim inchánach ón Roinn Coimirce Sóisialaí

5. **Admhálacha agus Deimhnithe**

Ní mór go mbeadh admháil ó gach conraitheoir arna fhostú chun críocha oibreacha feabhsúcháin / athsholáthair ag gabháil le gach iarratas ar chúnamh deontais. Ní mór go mbeadh sonraí na n-oibreacha a rinneadh agus na costais ghaolmhara leis na hadmhálacha.

Ní mór go mbeadh deimhniú ón gconraitheoir arna fhostú chun na hoibreacha a dhéanamh go bhfuil gach ábhar arna úsáid, lena n-áirítear píopaí agus feistis, ar cháilíocht chuí agus go bhfuil caighdeán cuí saoirseachta i bhfeidhm ag gabháil le gach iarratas chomh maith. Tá treoirnóta d'úinéirí tí maidir le píobáin agus feistis luaidhe a athchur ar fáil ó d'údaráis áitiúil nó ag: <http://www.housing.gov.ie/ga/node/7625>

Nóta: Is faoin iarratasóir atá sé a dheimhniú dó féin go bhfuil sé de chumas ar aon chonraitheoir arna fhostú na hoibreacha riachtanacha a dhéanamh agus go bhfuil na hábhair chuí in úsáid.

6. **Costas Ceadaithe**

Chun críocha na scéime seo, ciallaíonn costas cheadaigh an costas iarbhír a bhaineann le píopaí nó feistis luaidhe laistigh den chóras dáilte inmheánach in áitreabh a athsholáthar, **nó** an costas a mheasann an t-údarás áitiúil a bheith réasúnach chun oibreacha den chineál sin a bhaint amach, cibé agus is lú. Ní cháilíonn oibreacha áit a bhfuil an costas ceadaithe faoi bhun € 200.

7. Riachtanais Imréitigh Cánach

I gcás conraitheoir arna fhostú chun deisiúcháin, uasghrádú nó athsholáthar a dhéanamh, ní mór cóip de dheimhniú imréitigh cánach reatha arna eisiúint ag na Coimisinéirí Ioncaim don chonraitheoir a chur isteach.

Nóta: Is faoin iarratasóir atá sé a dheimhniú dó féin go bhfuil an deimhniú imréitigh cánach is gá ag aon chonraitheoir arna fhostú.

8. Iarratais a Phróiseáil

Ní mór iarratais a chur isteach chuig an údarás áitiúil a bhfuil an t-áitreabh a bhfuil na hoibreacha á ndéanamh ann ina limistéar feidhme. Déanfar iarratais a phróiseáil chomh tapa agus is féidir. Má bhíonn cabhair ag teastáil chun an fhoirm a líonadh, déan teagmháil le do thoil leis an údarás áitiúil iomchuí.

Forchoimeádann an t-údarás áitiúil an ceart na hoibreacha a rinneadh a scrúdú agus pé fiosrúcháin a mheasann sé a bheith riachtanach a dhéanamh chun eolas nó doiciméid tacaíochta arna dtabhairt mar chuid d'iarratas ar chúnamh deontais a fhíorú agus is féidir leis aon iarratasóir a sholáthraíonn eolas nó doiciméid bhréagacha nó mhíthreoracha a eisiáil ó chomaoin ar chúnamh deontais.